



复次，

355

汝谓我著空， 而为我生过，

汝今所说过， 于空则无有。¹

汝谓我著空故， 为我生过。我所说性空， 空亦复空， 无如是过。²

¹ 一、《般若灯论释·观圣谛品》云：

汝今若如是， 于空生诽谤，
谓法无起灭， 乃至破三宝。

二、《大乘中观释论·观圣谛品》云：

汝谓我著空， 不空亦不有，
以空不有故， 不应生毁责。

² 一、《中论释·明句论·观圣谛品》云：

[由是不知如实无倒安住的二谛即成有过。故次颂曰：

所说诸过失， 于空则不然，
汝舍空举过， 于我则无有。

汝于我等所举诸过失， 如论偈曰：

“若一切皆空， 无生亦无灭，
如是则无有， 四圣谛之法。
以无四谛故， 见苦与断集，
证灭及修道， 如是事皆无。
以是事无故， 则无四道果，
无有四果故， 得向者亦无。
若无八贤圣， 则无有僧宝；
以无四谛故， 亦无有法宝；
以无法僧宝， 亦无有佛宝；
如是说空者， 是则破三宝。
空法坏因果， 亦坏于罪福，
亦复悉毁坏， 一切世俗法。”

如是等所说诸过， 皆因未了所立二谛义， 不知空相， 空义及说空因缘等所致故。于吾说空者， 即说法性空者则不然。由于不契至理， 汝所言诸过， 即名为舍空， 谓阻断、遮障舍法， 于我则无有。尔等将无法增益为是空义而妄举诸过。我等实则不说空义名无法。若不尔者， 空相名何义？ 谓缘起义。是故于空见所举诸过皆不应道理。]





复次，

356

以有空义故，一切法得成；

若无空义者，一切则不成。³

以有空义故，一切世间、出世间法皆悉成就。若无空义，则皆不成就。⁴

二、《般若灯论释·观圣谛品》云：

[汝今若如是，于空生诽谤，
谓法无起灭，乃至破三宝。]

释曰：诽谤者，谓言一切是空。汝瞋忿故，欲与空作过者，空终不被汝过。何以故？诸体无自体者，于第一义中空故无体。无体义者，我亦不用，以有执著相故。]

三、《大乘中观释论·观圣谛品》云：

[复次，颂言。

汝谓我著空，不空亦不有，
以空不有故，不应生毁责。]

释曰：著空之过，还归于汝，若他所计，自体有成者，非正理门，皆是计执成断空故，是故诸法自体无性亦非有，空胜义谛中自体无性故。]

³ 一、《般若灯论释·观圣谛品》云：

若然于空者，则一切皆然，
若不然空者，则一切不然。

二、《大乘中观释论·观圣谛品》云：

以有空义故，一切法得成，
若不有空者，一切法不成。

⁴ 一、《中论释·明句论·观圣谛品》云：

[我等不仅没有如上所说诸过失，并且所立二谛等一切诸法悉皆极契至理无咎。为明此义，故次颂曰：

以有空义故，一切法得成；
若无空义者，一切则不成。]

若人信此一切诸法自性本空，谓有空义者，如说一切诸法皆得成就。何以故？因为我等即名缘起为空性。是故若有空义，则成有缘起义。若有缘起义，则成有四圣谛义。所以者何？因是缘起方成有苦义，苦非无缘生。是苦无自性故名空性。若有苦义，方成有苦集、苦灭、至苦灭道。若有见苦、断集、证灭、修道等事则成有四沙门果。若有四沙门果，则成有四向、四得者。若有四向、四得者则成有僧宝。又若有四圣谛，





复次，

则成有法宝。若有法宝、僧宝者，则成有佛宝。如是即成有三宝。一切世出世界的殊胜证法悉皆可然。凡法、非法，其果及一切世间名言亦复应然。是故若有空义，则一切法皆得成就。若人不信空，无空义者，即成无缘起故，一切诸法俱不成就。云何一切诸法俱不成就者应当广说。以是故说我宗清净无过，与一切所立俱不乖违。]

二、《般若灯论释·观圣谛品》云：

[复次，为遮自部人所分别空者，今遮此空故而言空无自体，亦不执空。作是分别空者，今应舍故。

如《宝积经》中说，佛告迦叶：“宁起我见如须弥山，亦不作增上慢者起于空见。”以是义故，不见色空、不见色不空。如论偈说：

若然于空者， 则一切皆然；
若不然空者， 则一切不然。

释曰：此谓正见空者何等为一一切皆然？谓有起等。云何然耶？谓有无等及眼等皆自体空，如幻丈夫丈夫自体空。何以故？一切藉众缘聚集为体故。云何为体？体谓苦也。云何为苦？谓此起者名苦。见苦等行，名为苦谛。云何为集？谓起苦因者名集。复次，集者，谓从此起苦故名集。若见集等行，名为集谛。灭苦因者名之为灭。见灭等行，名为灭谛。为得灭苦因方便故而名为道。若见道等行，名为道谛。彼圣谛如有故，其法得成。以自然智觉于一切行，故乃名为佛。随顺声闻说者，如经言，佛告诸比丘：“如是苦者，我于往昔不闻诸法中得眼起、智起、明起、觉起，是等诸体自体皆如幻故。”第一义中见无起等名见圣谛。

如《文殊道行经》说，佛告文殊师利：“若见一切诸法无起，即解苦谛。若见一切诸法无住，即能断集。若见一切诸法毕竟涅槃，即能证灭。文殊师利！若见一切诸法无自体，即是修道。”

以是义故，摩诃衍中圣谛道理得成。道理成故，智慧得成。智慧成故，一切皆可然。]

三、《大乘中观释论·观圣谛品》云：

[此复云何？

故下颂言：

以有空义故， 一切法得成，
若无有空者， 一切法不成。

释曰：一切法者，谓世出世间诸所有法。胜义谛中有体、无体皆离自性，譬如幻士，有为法中生灭对待，四圣谛等一切皆成，世俗法中亦非有灭，此等诸义，如前广说。]

四、《回诤论释》云：

[偈言：

若人信于空， 彼人信一切；
若人不信空， 彼不信一切。

此偈明何义？若人信空，彼人则信一切世间出世间法。何以故？若人信空，则信因缘和合而生；若信因缘和合而生，则信四谛；若信四谛，彼人则信一切胜证；若人能信一切胜证，则信三宝，谓佛、法、僧。若信因缘和合而生，彼人则信法因、法果；若人能信法因、法果，彼人则信非法因、果；若人能信法因、法果，信非法因、信非法果，则信烦恼、烦恼和合、烦恼法物。彼人如是一切皆信，如是前说，彼人则信善行、恶行；若人能信善行、恶行，彼人则信善恶行法；若人能信善恶行法，则知方便过三恶道。彼人如是能信一切世间诸法，如是无量不可说尽。]





中论释



357

汝今自有过， 而以回向我，
如人乘马者， 自忘于所乘。⁵

汝于有法中有过不能自觉，而于空中见过，如人乘马而忘其所乘。何以故？⁶

⁵ 一、《般若灯论释·观圣谛品》云：

汝今持自过， 而欲与我耶？
亦如人乘马， 自忘其所乘。

二、《大乘中观释论·观圣谛品》云：

汝今自有过， 而返谓我有，
譬如乘马人， 自忘其所乘。

⁶ 一、《中论释·明句论·观圣谛品》云：

[因愚不知自宗粗浅，违彼极净无过胜宗而不见功德过失。故次颂曰：

汝今自有过， 而以回向我，
如人乘马者， 自忘于所乘。

如人乘马自忘于所乘而栽赃他人夺其所乘。汝今自乘于性空缘起相马的同时，却因极度散乱迷失不见其性本空却与我等诤论不止。不觉其过，却仅仅于性空论者回举推诿过失。]

二、《般若灯论释·观圣谛品》云：

[若诽谤空者，如上偈说“若不然空者，一切皆不然。”如论偈说：

汝今持自过， 而欲与我耶？
亦如人乘马， 自忘其所乘。

释曰：若汝不欲令空有过失者，今当说之。]

三、《大乘中观释论·观圣谛品》云：

[复次，颂言。

汝今自有过， 而返谓我有，
譬如乘马人， 自忘其所乘。

释曰：如此中说，一切无生皆悉空故，应如是解，诸说亦然。]

